



## Naunaipkutaq Titiraq

### *Havauhikhait Hansard*

*Hansard* ubluq tamaat makpiraaliuqtauvaktuq uqautauyunik Maligaliurvingmi. Titiraqtauvaktuq Inuktitut Qablunaatullu. Nunavunmi *Hansard* atauhiyuq hitamaublutik uqauhituanik titiraqhimayut *Katimadjutiuyuq* Kanatami, taapkuattaq ahiit kavamatuqanit Maligaliurvianit, Maligaliuqtilluat taamnalu Maligaliurviat New Brunswick-mi.

*Hansard* atiq atuqtauvaktuq tamaanit Kuin Nunagiyaanni ubluq tamaat makpiraaliuqtauvaktuq unipkaanguyunik maligaliurvingmi. Maligaliqiyugaluaq William Cobbett hivulliqpaamik titiraqhimayuq maligaliqiyunik katimatillugit 1810-mi, kihimi kinguani niuviqtittihimayaat Katimadjutinut ilagiingnut, makpiraaliuqtit British-kut Maligaliurvianit. Taapkua Katimadjutit ilagiit makpiraaliuqpaktut maligaliurvingnit 1812-mit 1888-mut, taapkua naunaipkutit atianik Hansard pihimavagaat naunaitpuq ublumi.

Ubluq tamaat Katimatillugit, Maligaliuqtit tuniyauvaktut aadjikkutaliuqhimayunik taiyauvaktut “Tunguyanyunik”. Hapkua iniqhimaittut titiqqat ipakharnitaqnit katimatjutauyut. Titiraqhimagami tunguyaaqtumit titiraakhami aallangabluni talvanngat iniqhimayunit *Katimadjutinik*. Maligaliuqtit ihuaqhainginnarialgit, atiiniglu ihuaqhaivaktut ihuinaaqtuqaraangat uqauhiillu ihuaqhaqhugit, titirarniglu numiktirinirmullu ihuinaarutainik ihuaqhainahuaqpaktut. Maligaliuqtit aallanguqtirilaittut uqauhiinik.

*Hansard* tuniyauvaktuq tamangnut havagvingnut Kavamanit Nunavunmi hailiyauvakhutiglu inungnut Maligaliurviup Qaritauyakkuurutaanit. Tuhaqtuliqiyit unipkaariliqpagaat Maligaliuqtit uqauhiit *Katimadjutimi* unipkaaliuqtillugit Maligaliurvingmit. Maligaliurviup Makpiraaqarviat qauhimannaqtunik makpiraaqatut Nunavunmi *Katimadjutinik* talvanngat April 1, 1999-mit.

*Katimadjutit* ihariagiyayuq ingilrut Maligaliuqtinut tuhaqtittinirmut nunaqaqatimingnik hulivagiakhainik Maligaliurvingmi.